

تاریخ رومی ۱۳۲۹

نومرو ۱۷

تاریخ هجری ۱۳۳۱



۶ ایلول

۱۷ شوال

اعتقاد لری

جمعه کونلری نشر اولنور اسبوعی اسلام جریده سیدر .

دین اسلامده اخلاق

فضیلت علمیه دن صکره فضائلک افضل واعظمی فضیلت اخلاقیه در . بونک ایچوندرکه دین جلیل اسلام، احکام عالییه سی اره سنده مکارم اخلاقه پک بیوک فضل و مرتبه ویرمشدر . دین اسلامک محاسن اخلاقه ویردیکی فضل و مرتبه نک درجه سی (انجیق بن مکارم اخلاقی اتمام ایچون بعث اولئدم) مآلنده اولان انما بعث لآتم مکارم الاخلاق) و اسلام حسن خلقدن عبارتدر معناسنده اولان (الاسلام حسن الخلق) حدیث شریفلری واضحاً کوسترمکده در .

اشبو حدیث شریفلردن ده آ کلاشیله جنی اوزره حسن اخلاقی دین جلیل اسلامک اساسی و بناء علیه سعادت دنیویه و اخروییه نک کافیلدر . مکارم اخلاق، سعادت دنیویه و اخروییه کافل اولدینی ایچون رسول کبریا علیه اکمل التیاحایا افندمن (حسن خلق دنیا و آخرتده انسان ایچون موجب سعادت برخصات جلیله در) و (انسان، عبادتی آز اولسه ده حسن خلقی سببیه جنتک الک عظیم درجانه واک عالی منازلنه نائل اولور) بیورمشلدر .

هر فرد، اخلاقکیزی کوزلشدیریکز مآلنده بولنان (حسنوا اخلاقکم) حدیث شریفی موجبیه تحسین اخلاقه مأمور و سعادت ایچون اتی اکتسابه مجبوردر . هیچ بر فرد بونمز نه سعادت دنیویه ونه ده سعادت اخروییه سی تأمین ایده بیلیر .

سوء خاق ، عقلا قبیح و مذموم اولدینی کی دیناده قبیح و مذمومدر . سوء خلقک دین اسلام نظرنده کی قبیح و مذمتی آ کلامق ایچون رسالتاب

افندمنک نزد الهیده سوء خلقدن دها بیوک کناه یوقدر معناسنده اولان (مامن ذنب اعظم عندالله من سوء الخلق) و هر کناهک توبه سی واردر . انجیق سوء خلق صاحبک توبه سی مقبول دکدر مآلنده اولان (مامن شیء الا له توبه الا صاحب سوء الخلق) بیوردقلرنی سویک کافیدر .

حجة الاسلام امام غزالی حضرتلری حسن خلقک عین ایمان و سوء خلقک عین نفاق اولدینی سویلده کدنصکره جناب حقک کتاب جلیلنده مؤمنین و منافقینه عائد اولمق اوزره بیان بیوردینی صفاتک جمله سی حسن خلق و سوء خلق نتیجه سی اولدینی بیان بیوریورلر .

دین اسلامده حسن خلقک عظمت و منفعتنه ، سوء خلقک، رذات و مضرتنه دائر لایعد آیات واحادیث واقوال علما واردر .

الحاصل حسن خلق نه درجه موجب سعادت و بناء علیه ممدوح و مقبول ایسه سوء خلق ده اونسبتده بادی فلاکت و بناء علیه مذموم و مردوددر .

سوء خلق او یله بر مرصدرکه مصاب اوللری درجه انسانیدن درکه حیوانیه دوشوریر ، حتی دینه بیلیرکه مرتبه حیوانیه بوکی مراتب سفلییه نسبتله دها عالیدر . چونکه حیوان ، جناب فاطر مطلقک انسانره احسان بیوردینی قوه عقلیه و قدرت محاکمه نک کندوسنده فقدان سببیه معذوردر .

انسانلر بالکمز سعادت ماده و شخصیه لری ایچون دکل سعادت مغویه و اجتماعیه لری ایچون ده اخلاقه محتاجدرلر . سعادت ماده و شخصیه لری کی سعادت ماده و اجتماعیه لری ده انجیق بوسایه ده تأمین ایده بیلیرلر .

طلبة علوم افنديلره

تحصيلده بولنانلر ايجون متاديا چالشمق قابل اوله ميه جغندن اوتهدنبري مناسب وقتلرده تعطيله مجبوريت حس ايدلمشدر. آيلرجه تحصيلده بولنان طلبة علوم بو تعطيل ائناسنده بر آز راحت ايدر، اعضاي بدنیه سنی، قواي ذهنيه سنی ديكلنديرر. احتياجات بشريه سنه عائد خصو. صاتی رؤيته بولور، اقربا واحباسيله ملاقات ايدرك وظائف اجتماعيه سنی ايفايه موفق اولور، بعده بر شوق جديد ايله تحصيلی تعقيه باشلا. بهرق معلوماتی ترييده چالشير.

ايشته استانبولده دخی شهر ثلاثه مناسبتيله بايلمش اولان تعطيله بوگونلرده خاتمه ويريلور، طابه حياتنده يکدن بر فعاليت اويانمغه باشيلور. ای طلبة علوم! ای نور باصرة امت اولان زمره محصلين! بتون عالم اسلاميت سز باقيور؛ بتون مسلمانلر سزدن مستفيد ومستفيد اولوق ايسيدور؛ سز قازانه جغکنز علم و فضيلت ايله، حسن اخلاق و مکارم ايله بتون ملت اسلاميه ايجون بر نمونه امتثال اولمغه چالشماليسکيز. چالشمکيز! لايقتقطع بر متانتله تحصيل کاله چالشمکيز! بيلمه ايسکيز که دين ميني محافظه ايتمک، اسلاميتي دين دشمنلرينه قارشو مدافعه ايتک سزک عهده کره مرتب بر وظيفه مقدسه در. ای طابه ذوی الاحترام! بيایرسکيز که علم اوله بر لطيفه قدسيه در که اربابنک قدری [انما یحیی الله ...] آیت کریمه سيله [العلماء امناء الرسل] کبی بر جوق احاديث شريفه ايله اعلا بيورلمشدر.

بر قومک ترقی وتدينسند، سعادت وفلا کتده معيار بودر. افرادينک اخلاقيدر. بر ملتک افرادی محاسن اخلاقيه ده ندرجه ترقی ايدرسه اولمت اولنبتنده نائل ترقی وسعادت ونه مرتبه تدنی ايدرسه اومرتبه دوچار تدنی وفلاکت ونهايت موجوديت سياسيه سی مقرض اولور. وقوعات بوکا شاهددر. تاريخ شويله برکوزدن کچيريله جک اولورسه کوريليرکه شمدي به قدر کلوب کچن ملتک ادوار ترقيلری فردلرينک اخلاقي مترقی اولدقلری زمانلره، ادوار انحطاط طلری ده فردلرينک اخلاقا متدنی اولدقلری تاريخلره مضاد قدر.

کدنک کوريليرکه شمدي به قدر موجوديت سياسيه لری سويون قوملر، ملتلر هب فردلرينک اخلاقسزلی، عضولرينک اوعلته معلول اولملری نتيجه سی اوله رق بو فلا کته دوچار اولمشلردر. ايشته بويله اخلاق انسانلرک کرک حالات دنويه لرنده وکرک حالات اخرويه لرنده بودرجه حائز تاثیردر. بناء عليه يشامق، نائل رفاه وسعادت اولوق ايسيدور سق اخلاقه پک زياره اهميت ويرملي تهذيب اخلاقه وچو جقلر يميز اخلاقي تشدير مکه چالشملي يز. شونی ده قطعی صورته بيلملي يز که بونده موفقيت انجح تربيه اسلاميه و معارف اسلاميه ايله ممکندر.

چونکه بزکوردک وکوريورز که حسابات دينيه واعتقادات صحیحهدن مجرد اوله رق انتشار ایدن علوم وفنون سعادت اخلاقيه موصول اوله جق يرده بالعکس سفات اخلاقيه مؤدی اولور.

آقسکيلي

علی همت